

5563.8
8031
v.4

詩

好古齋集
四

共
四



Carpentier

好古詩下

北園賞春

丁丑

南陌東風步驟遲
北園西日款扉時
高松過雨無邪色
老杏深春亦好枝
幾箇冶遊分日出
此中幽事自吾知
殘尊留坐情何限
纖月芳林暮更宜

省中共次牧隱集韻

碧城迢連畫樓明
微雨朝來洗得清
弱柳受風還不惡
初花臨水最多情
詩安字眼千金重
事到盃心一髮輕
藉草東階君記取
萋萋猶似去年生

松石園

栗穗初長榭葉齊巖扉咫尺使人迷天陰新筍通身
醉畫永幽蟲動股啼蘭紫青苔輞川宅草堂流水浣
花溪有誰來卜墻東屋幽獨仍無鶴共棲

與諸益信宿松石園

李道以李伯燁金亮元曹
汝秀林子道金宗浩趙子

益金子淑金聞遠方士行金芝山
文仲若金學淵金慎哉崔子元

洲農邁軸舊清暉松叟琴書此掩扉華表安知無鶴
返墨池重見有魚飛溪山文藻空回首城闕緇塵未
拂衣老去還能蓮社飲遠衝泥雨不相違

玉洞舊有
金農巖別

壑閣名
清暉云

其二

四山暝色亂雲層一路水光羣木澄念我歸筇應帶
雨教兒留榻却回燈巖芝吐氣歌懷遠礪竹舍涼爽
思凝入夜風泉松檻迴清泠勝似向來憑

其三

山禽磔磔動晨光曉起高窓雨氣涼散帙簾間人去
後飛泉對杪夜來長碧蕉風捲題詩葉綠穗灰沈繚
篆香留醉可能永今夕東家知有壓糟床

其四

吟弄鶯花憶去春遠來風雨慰窮貧閉門峯壑無尋
處滿架詩書獨卧人後世子雲今若此小山叢桂更

如新端居不是悲搖落莫遣鳴騶入谷頻

興諸友遊松石園夜宿

金士元金士貞鄭元瑞
金宗浩鄭聖瑞林子道

文仲
若來

惠川西望玉溪東落落雲泥不可同門掩獨愁今日
雨書來多見古人風高齋碧對蟬聲處一路蒼苔水
氣中白首過逢何所作當年麗藻已成空

其二

流水柴荆似瀼東隔林烟火數家同少文歸卧山皆
畫興可來遊竹有風斷送歸輪三迳裏起居泉石百
年中交情每向貧時見雲雨人間竟幻空

蕭曉起

一天風雨後萬壑月星高諸品皆歸靜飛泉更覺勞
次僚友晚涼看洗馬韻

洗馬澄潭快十分清流激激四蹄聞金鞍已卸瘡磨
樹珠汗初收鳴向雲水漬脩筋蘭茁茁風晞長鬣雪
紛紛蠻奴脫幘麕豪甚意氣相將欲出羣

內閣舊是都摠府而庭有二大櫓人傳李提學
晚秀曾祖鳳朝為摠管時所手種云六月二十
八日夜大風雨一對摧仆足可歎傷朴士執有

詩要和

雙檜多年寒暑更上有靈籟白日常隱匄朱扉左右
儼相守仿佛神荼鬱壘呵嘑百鬼驚托根得地人所
愛免彼斧戕伐丁丁何來恠雨狂風乘夜入萬敲千
打一者損其生學士蹶起官僮走好古子下庭涕泗
橫宿昔輝映門牆內如聞填麓更和樂弟兄一朝受
外侮存者雖存還了焚早知中道摧顛有如此不如
正衙起時要棟楹高標無復千尋翠繁陰已失一邊
清鐵根銅柯固非灌溉之所養豈若夭桃豔杏一雨
一暘關悴榮滄波老對少陵嘆檜乎檜乎况爾仙府

舊植若為情

癸亥仁政殿
火甲子改建

七夕

珠帳沈沈月欲斜
鵲橋相送夜如何
生憎下界人多口
故遣微雲蔽絳河

再宴佛巖

沈學士子宴資也

山似天台有石橋
古松南畔一谿遙
深源屢引青鞋步
高處如聞絳節朝
陰洞草腥龍氣在
翠嵌雲濕佛香消
從來王子求仙地
笙鶴迢迢善可招

過張氏庄次少陵張氏隱居韻

栖適何須在遠求
誅茅郭北藉清幽
生涯休問千奴橘
世事應看一貉邱
夜靜樓虛雲借宿
水流花落客

來遊百年裘葛安耕鑿豈有人偷壑裡舟

士執携酒期同人夜過松石園

然諾悠悠行路間除非數子少歡顏未知屋裏齊金
斗争似樽前倒玉山明月蘇來詩客病黃花見得主
人閑幾何林下休官日愧爾飛禽趁夕還

遊山寺

與千君善朴士執盧惠卿慎汝長金芝
山期遊金仙菴道聞菴僧設齋願煩擾

改路至地藏
菴信宿而歸

遲回度華岑霧對石門深已喜携康樂無能訪道林
倚松皆傲骨臨水各禪心晚飯山無店壺簞就澗陰

其二

睡起樓何向曉山還復情客梳先鶴刷僧語後禽聲
丈室初生白人寰定未明石門知近遠烟雨萬松平

其三

雙峯合當晝常昏欲上諸天只一門流水竟隨遊子
去青山獨與老僧存氣添筍蔬通心性忍入烟霞絕
語言夜久祇園羣象靜木犀香聞月華繁

其四

蓮宇迢迢梵唄長門開十葦月流光人天夜靜星辰
大佛國寒生木石香驚嶺詩篇吟處苦邇溪談笑過
時忘無生安得金仙術不見侵尋鬢髮蒼

滯雨宿院甚無聊官僮買饋三白餽要替夕飧
時二劉僚當直呼韻共賦為余破的

凍雨霏霏竹院西夜愁如醉欲成泥飢蟪蛄腹餒堪
嚼吟忌蜂腰筆屢携暗水赴池鳴石開寒雲去殿凝
裊題可憐枯葉同梳髮風裏蕭蕭墮不齊

乞得兩本菊於蓮巢植盆土日勤沃灌色甚焦
悴無林園間想為賦一詩

塵蒙烟浥飽事艱保得貞姿不是頑幾度子騫思汶
上偶然元亮落人間應懷故土頻低首強為重陽一
解顏只有東籬舊時意主翁檐下見南山

蘇秦

寒乞兒情最可憐膏粱一飽死猶賢
早知購賊臨淄市不似為肥負郭田

謹次小華李學士慶熙宮齋宿韻

戊寅

惟清齋沐日既望吉蠲時紫帕封題
細香函奉跪遲不違天只尺頻問夜
何其大小宜寅畏宸心重祝

釐

咸興永興
先朝乙卯

兩本宮祭品香燭前自內司主
令內閣定儀式閣臣照管自

上親傳

其二

珪幣躬傳率舊儀宸忱洞洞近臣知
香輿已出皋門外猶望行塵下殿遲

送盧惠卿遊金剛

海嶽歸心老未衰，聞君此去益悽其。
吾身只似貧家女，每見桃花過嫁期。

暮春遊北渚洞

與從氏及柏齡
諸姪孫廷翼行

幽源行欲晚，春谷靜無風。
喬木茂深處，小蹊蒼翠中。
雲飄過眼白，花亞打頭紅。
畢竟登高頂，東西一覽同。

過棲雲寺舊洞

負笈曾遊古寺前，依稀憶得浴春川。
重來雲水無尋處，興廢空山六十年。

在今石瓊樓
上流

松石園餞春

百年使有駐春遲
今我應為未老時
少壯幾何成雪髮
兩風無奈落花枝
殘暉冉冉登高送
芳樹依依去後思
安得餘生比松石
不闕青帝往來期

細泉

雲竇初窺海眼纖
力微還恐芥舟黏
琮琤漸聞春山靜
涓滴爭鳴夜雨添
餘潤足濡紅藥甲
殘流未沒綠莎尖
林童也解詩翁意
決到階前硯沼魚

石橋樓

一蹊流水曲宛似武陵西
客至桃花落人居竹樹迷
向來皆火宅此去盡雲溪
安得挈妻子對門茅屋低

其二

石樓清夜似仙家
露浥叢蘭月未斜
洞壑疑聞簫史鳳
房攏如宿武陵花
道通五酒應無外
生與林泉自有涯
此地烟霞堪送老
雲間鷄犬是浮誇

半仙

嬌倚畫檣邊
彩繩手自整
鬢拋蠶月功
聊戲花朝永
高借閨風冷
倒看飛鳥影
襖餘凌洛波
笙欠過秦嶺
輕舉綠髻安
倏來鳴珮靜
地非毛女峯
人在貌姑境
俄忘出閨闥
翻愁歷參井
輸贏兩所爭
起絕誰能領
却訝羽翰生
歸猶懷緒耿
遠慙舞掌中
難與半仙并

酒旗

易識難忘小市東青旂獵獵一竿紅
朝沾山郭杏花雨晚颭水村楊柳風
掩映黃公壚在下分明白墮字
當中指揮力士招歡伯所過愁城輒掃空

和僚友省中韻

好雨也知秋節來新篁穉菊亦從栽
長廊翠合千章樹小院塵清一色苔
過水一雙鳴翠鳥封泥無數落黃梅
玉溪携酒明朝事定看芙蓉木末開

松石主人回甲日知舊持酒饌來宴

會者四十餘人各賦

一體詩為壽

醫言肉食者易病難耆耆正為筍蔬人康強未遽衰
矧眼清虛氣老將齊鶴龜之子愛松石好之劇餌餐
剔髓恐傷鮮餐葉惜損枝但取堅貞趣充然忘渴飢
貞以礪志節堅以延壽期今歲值周甲周甲自不知
酒食連人客一任妻子為我來携壺榼欲餉還不宜
請從爾所好一讀松石詩

聽雨

庭林滴滴夜深聞獨愛蕭疎有此君漸覺琴棋微帶
潤不知簾幕半和雲布衾茅屋憐寒士孤燭西窓憶
舊羣授老歸田多少計書灰坐到曙光分

雨夜與宗浩士執虞衡宿松石山房

山川自在憶他時歲月何曾為我遲
苦恨緣愁千丈髮可能乘醉百篇詩
林間鳥雀雲石上藤蘿月欲移縱使
明年當此會蕭條不似向來期

君善士執與金子貞劉仲麟昨遊郭北宿張山人庄余有期未偕今日追尋

昨見長髯信尋幽宿未還抵年愁裡日終夜夢中山
流水相逢處紅塵一瞥間禽魚元夙好應不恠生顏

重別李公默

別後行塵杳莫攀那期正旆隔旬還未知露桂花如

霰但覺風蟬響滿山垂老不堪頻送遠浮生誰有本
來閑煩君待到楓林好招我天磨水石間

伏日直中拈韻

乞為煙鶴在仙臯願作風松送翠濤萬國同時炎海
上西郊不雨火雲高東方割肉何其壯河朔銜盃獨
自豪知有溪翁饒笑我簿書終日困青袍

挽千友壽慶

生居洛北不知津到死暑為幕取人漱石寒添孫楚
病草玄竅徹子雲貧中庭地白松堂月獨對花明澗
道春應有精靈來又去未隨埋骨化黃塵

其二

六月生朝樂事偏
冰瓜香醞讌詩仙
只言來歲似今歲
不意壽筵成別筵
此子難忘邱壑態
何人合作竹林賢
徊徨窓壁如相覲
酒汙燈煤尚未湔

士執書齋夜與步庚惠卿飲次雅誦韻

垂垂素髮坐窮廬
惻惻秋懷暮雨餘
九日不堪無露菊
千翁一去絕山書
廢詩白麓鳴蟬後
把燭蒼溪落葉初
老興淺深休問月
自知難與舊時如

送林子道關西

不見龍城四十年
如今思到惘茫然
只有天淵尊在

目煩君為看舊題椽

老蒲亭相國赴燕時過龍川館
川守柳侯甫曹新落溪上小亭

名以天淵請相國
書揭之故及之

石處聯句

并小引

故人子松石壽慶歿於戊寅秋七月葬于維

揚石處村北是歲十月同人為之封碑將發

幽光也對已金洛瑞文初吳得麟子祥徐慶

昌明重池德龜文哉金載明子淑王太步庚

暨子淑子鎮恒醉酒侑文灑淚而去零落之

感不能斷絕聯成一篇聊以作口中石闕

惻惻向何之東原杳蕭瑟被霜露月交十杖屨客行

七祥子荒草問新阡長程語舊日明誰與汗漫遊奈非

金石質文扶將交皓頭登歷強寒疾淑子路出徐五郎

邨過吳副率庚步若堂宛在前我懷諒非一恒鎮儻知白

馬來遙認青烏吉初文凡石幾輝光寒山立崑崙祥子高

名可久傳善行難容述重明汝南後一賢吾東中六逸

文清狂似四明濁俗難再出淑子尊生不妄交誅死無

愧筆庚步想風愴松園薰德緬芝室恒鎮玄塚憶雄芭黃

壚懷阮畢初文松石字不虛詩人名是實祥子萬里短日

斜斟席寒雲密重明人間我沾襟地下誰促膝文幸遺

舊詞章無望穉子姪淑子寧作常卑剛肯為郗紹失庚步

碑面題以詩
人松石千壽
慶墓

散當效李編貧孰致朱恤恒鎮新壠識蝦蟆舊堂悲蟋

蟀初文數字足揄揚平生難備悉祥子空留墮淚情安得

致魂術明重一片墮嗟哉八分臨郭乙文手摩歎則那

口誦聞宣必淑子風吹掛劍樹雨暗摹書漆庚步事並魯

山傳名與滄海正恒鎮龜任綠苔侵客無黃綃詰初文知

已古所敦陳人或見嫉祥子一夢隔存亡六甲符生卒

明重我輩離情鍾時論非美溢文埋玉慟采深諛金譏

何怵淑子向空燒紙錢灌土薦芬庚步回看肉食徒爭

似樂衛沁恒鎮

二月二日書懷己卯

牆根融雪濕青苔紙牖今朝暖始開
病起忽驚新去鴈借看繞送落餘梅
春風已過三之一故友難教往復回
向後芳菲多少好更無緣到玉溪涯

春日懷松園

花時倍憶古松臺臺上無人載酒回
縱有春風依舊至不知桃李向誰開

許氏園學淵社飲

玄度栖遲寄小園叩門還恐作塵喧
井邊碧甃閒瓶綆籬外春泥少履痕
細看竹殘題字葉曾攀樹老讀書根
同來不有馬曹在山氣清佳誰與言

題書幙

小於鷄柵大粒奩貯得徑書更不添
汎覽百家非篤學何須三萬鄴侯籤

其二

癡婢願移成度閣老妻要換作衣箱
為人所欲還多事不似邊韶腹裡藏

春日許園送別朴士執往海西

去歲送君梅雪天別筵芳草又今年
花牽愁思如啼顰柳綰離情不惹眠
半日一盃堪笑話四時三月寂風烟
春光流轉如相惜歸及園桃未墮前

西園送春

春來好與雨從東春去空留雨打紅縱道古今只如此不堪零落又兼風新愁樊子生離後別恨微之病卧中自是情鍾吾輩事休論色相本來空

初夏過西麓

三月破來花始好朱朱白白何鮮新時因曆日強為夏地遍芳華猶是春車馬向來太早計燕鶯方至正當辰滿山微雨不歸去傷人喚我作何人

書揭墓廬

并序

墓廬初在去己卯吾仲父所經始也丁酉年

間伯從氏補益以東檐及壁龕通來四十餘
年頗隳頽迺謀修葺改撓易枵匝月而新之
工訖得數篇詩言志題壁上柏齡義齡繼有
作并書以示來後時己卯孟夏念一日也

李公愛平泉丁寧托其子先人所構堂豈與花石比
其二

酣歌于室中古訓曰巫風况此邱墳下遊嬉比較童
其三

風雨三間足松楸一逕通寄言雲耳後來此視同宮

其四

賣奴婢為虎
賣書為虎
戊立木為松

丘墓三山下
蒸嘗十世同
莫聽風水說
棄去各西東

其五

古人云
特子能變為三蟲
有食墓廬者亦足叅其中

附

先人敝廬在
隨顏葺棟椽
仍舊無增廣
長期後世

賢

柏齡

仍舊存三畝
維新易數椽
仰惟先子德
深望後昆

賢

義齡

偶過許氏園
主人沈醉在內
值數詩友坐亭上

老子閒過本
偶然主人無事
且酣眠尋常同
調思難

見忽漫相逢興更牽金翠驚心當枕上薔薇刺眼近
床邊解醒明日如相命準擬來時杖掛錢

金子淑書軒小集

落日餘光轉樹間主人聞語掩柴關戶庭虛白逢南
郭詩律清新見子山爭枝暮雀仍同宿照水幽花却
自閑後至劇談難往去不妨侵暝借燈還

省中呼韻

畏日堂堂不肯斜千山歛翠水無霞涼思乞飯青荷
葉暘憶和茶白葛花蠅蝓營營何意緒蝦蟬閤閤自
生涯天遊雲卧難忘處去歲今時玉洞家

適值君善
生朝故云

和朴士執省直聞蟬見寄

蟬聲聞日夕忽憶舊詞林搔首感秋物故人同此心
碧城風遠遠森木晚沈沈清切雖盈耳懷哉歲暮音

夏日閑吟

年衰無疾是清安枕上殘書覺復看午飯澆來新井
水蔗漿誰道瑪瑙寒

鵲巖納涼

松風詩思較誰長發為清音滿意涼花隱未容蜂採
盡林深不借麝過香對分團影随移席石盤回流坐
引觴十載緇塵衣欲化挂來蘿薜淨生光

次僚友管城子韻

秦家無裂土毛氏獨專城
湯沐夷吾邑提封伯子榮
中山賤衣褐前殿齒簪纓
毫末將何報心中欲盡誠
焚坑徵甬故衡石賴渠程
汎愛親儒術還嫌近墨名
委身常左右惟意敢縱橫
造次頭容直飛騰舌本輕
髣髴堪器使老秃屬功成
世世同文國枝孫免白丁

次僚友無絃琴韻

南薰一消歇千載搖哇淫
烏鶴淒涼曲螳蟬殺伐音
宮商徒亂耳山水獨留心
抱倚東籬月携過五柳陰
希聲空外想真意此中尋
鴈足虛翹立龍唇靜斲吟

禁邪雖古調取適祇冲襟予欲無言久誰知托契深
大羹那致味直釣不敲針竹肉論何苦脩然并忘琴

黃金臺

昔為幽薊客求問郭隗臺蔓草傷心遍層雲滿目來
故宮疑指點落日悵徘徊馬骨已銷盡英魂安在哉
永歎高世主不惜萬金財數仞勞民力同時集霸才
累非容撮土高想絕浮埃流水無尋處行人欲奠盃
回頭朝暮遇往跡古今鬼猶勝驪山塚千秋葵冷灰
與金子淑訪朴士執清潭墓廬

數里蒼山近孤烟出對來凍泥分瓦壠疎雪落楷灰

念我衝寒至留門向夕開不須催暮飯腹底未鳴雷

其二

此地常遺愛餘生屢過逢雪埋無舊筍鹿觸有枯松
僮僕依農事門廬遠世蹤藏修百年後徒自仰高峯

除夕卽事

手開巾笥檢詩篇却喜今年準去年何似賈兒餘歲
計燈前誇數櫃緡錢

寄而已六仍戲之

經過何處最幽偏峭蒨亭前梅可憐數對繞庭添園
吏青山近宅杜陵賢年來無那相知少老去還應數

見鮮隨意欲題茶鼎句恐教侯喜不成聯

新居

地即青城都尉舊宮址中有小峴
驛西學為學宮在峴之東故也

一岡少陵北高處數家同植杖青城老橫經學峴童
茅茨先旭日草樹易春風不有市聲聞安知京洛中

晚望

倚杖庭皋上遠看白閣坡雪明籬落出山際幾人家
草封烟色晚冉冉青更多不知白閣下南望亦云何
告退日書示僚友

老柳無腔不自持春來何得弄腰支東君好借生成
力卧後猶存綠一枝

舊僚期遊南園

晚期天又雨，遠過郭南園。
花對主人好，鄰家春鳥喧。
青雲曾一路，白首復同尊。
相顧生顏色，不知病眼昏。

其二

郭南曾道無佳處，洛下今知少此園。
白閣雲山當面勢，青城臺榭遠塵喧。
人於嘉對宜尋傳，地有蒼苔合置尊。
餘興那堪相送去，杏花門巷月黃昏。

赴王步庚期遊幽蘭洞

薇蕨蘭溪去不遙，閒行忽到紫霞橋。
心憐酒氣家家佳，興逐春風對對搖。
老杏山寒開較晚，幽苔人罕綠

偏饒坐來笙鶴如將見石局松壇似洞霄

許園呼韻

小扉通別院來往自無時不省林居靜惟聞鳥語遲
遣兒開地席留客借隣棋桃李未成逕詎為車馬知
子淑携酒期午入幽蘭洞士執曉至要余與伯
燁士貞步庚惠卿先過太古亭

二十年来躡舊蹤廟門深鎖草茸茸依然識得先生
面澗上寒巖一對松

其二

欲違白閣兩行入古亭雲山靜人相忘林春鳥獨聞

菜田花一半松路水中分
淵老考槃地似見鸞鶴羣
與諸友遊清潭冒雨向津寬

郭外已知塵事空
泉聲對色放歌中
野橋人去蘼蕪綠
山店鳩鳴踟躕紅
晚飯依林仍帶雨
春衣臨水不禁風
佳遊幾度逢晴景
詩料將無此日同

清潭途中

對中村逕繞依微
烟濕茅茨閉短扉
野壠饒歸僧乞食
山溪橋斷客褰衣
禽來林果夏猶綠
泥滑竹雞晴更飛
款段披蓑方麴掩
詩人物色似君稀

歸路

麥隴平連十里垌行行問酒過村扁田蛙亂斗蒲芽
綠山雉初飛櫟葉青中角仍殘林雨墊耳根猶帶瀑
泉聽壽坡回首情何限目送閑雲處處停

次影燈韻

寶蓋懸空玉燭明中涵萬象自生生頭頭衣甲昆侖
黑面面麾幢列禦輕剩水殘山環未了豈人才馬杳
無聲去來縱似磨驢步不遣回谿踏得平

其二

行似義娥迭代明忽從西沒自東生仙遊暗辨驂鸞
遠胡獵貪看逐獸輕愁馬奔蹊常接跡恐禽驚散各

吞聲此中形影俱息遽神釋何時意始平

次惠卿瓶花韻

簾外遙疑畫逼真瓶頭始覺折來新何煩郭橐栽時
法獨保封姨過後春屏有辟塵添色態蝶無偷馥損
精神摩娑屢觸佳人手却恐鉛朱汙一身

許園逢吳敬言

吳子經年別燕雲萬里賒相逢疎鬢白數語落輝斜
綠長傷心草紅殘減淚花昔遊如更續為過許詢家

李僉使

景淵

大夫人挽

令子交情四十春推遷孟母屢同鄰熊丸恐致斯須

情恣寸無違造次仁持戶半生裙是布崩城一哭髮
如銀天應好善終餘慶兒為寧親早立身雄鎮展才
節制使大家從責負夫人腰符每自將喻列衣綵兼
能視鼎茵蠟鳳戲筵舍咲久玉麟環坐點頭頰器猶
求舊憐繁短餐欲祛珍說甌塵亥字成籌添甲子婺
星垂曜待凝賓疴因調護且淹歲書報起居纔浹辰
正擬詩呈稱兒席那期劍落化龍津故阡爭道高陽
弭何獨緱山跡不淪

士執來携許園

吟病端居日苦遲逢君始出雨晴時雙抽綠笋初分

紫並坐黃鸝別占枝老去容顏宜數見年來名字少
相知夕陽雖好還愁暮石上藤蘿影漸移

洗劍亭

鄭翁歌曲鶴鳴皋擊柱鳴鳴老興豪五月梅花何處
落半天人影此樓高英雄洗劍應霜骨客子留樽已
雪毫軍壘百年惟鎮靜至今雲鳥屬詩曹

張氏山莊早起

始知雲共宿窓曙見雲痕磔磔鳥移對依依山在軒
醉詩重點竄新筍一溫存習靜成疎懶還嫌盥洗煩
分竹色拂雲連嶽寺泉聲帶雨出溪林各賦一

道德洞名

體得色字

嘗聞相人術鈔在占氣色鼻眼與口耳橫豎無所匿
以茲觀山水淺深歸有極庶幾張山人真訣窺閭域
冥搜太華間置屋陰嶺北奧不涉幽荒高無過孤特
詎煩帝跑泉非因龜坼墨鑿腠納晉賢對樊連道德
攬結衆泓曄徇羅成輪翼瑟汨湊衽席蒨蒨接飲食
盤藪饒五鯖厨覓贍一力晨夕魚鳥親自來非戒卽
花葉雖細瑣亦足媚游息獨有性所愛風松清謏謏
垂老且優游况爾頭尚黑先得在疾足安能顧偏側
重來益聞奇令我空卽卽

次社友花陰韻

難分杏臉與桃腮
淡墨橫披一幅來
琴韻乍清籠小檻
鶴眠初穩繞平臺
有時鶯燕蜂吹落
別處斜光鳥踏開
醉卧不知隨返照
葱籠移在澗邊苔

詠櫻桃

憶昔兒時上對輕
嘗新令節老懷生
吮津祗覺除喉渴
吞核何曾裨目明
丹似鷄心圓更潤
軟於龍眼破無聲
滿籠相贈雖今日
佳句誰酬野客情

沙韻

沙光十里繞江濱
潮去潮來漚得新
殘月影籠遙認

雪淺莎青染始知春依依屢失雙飛鷺歷歷時看獨
往人一自賈生吟賦後湘潭無處不傷神

蛙韻

朱夏生成反畏炎青林為障水為簾前身丁子空憂
尾別族波臣故欠髯髡罇支頤苔點點籬根鼓吻兩
纖纖草堂愛聽華園問莫是官私兩得兼

宿斷髮嶺下

山光已失夕陽奇嶺底猶愁夜宿遲好事還如顏氏
學門牆未達一間時

元化洞

水態山光奈樂何
洞天紅對夕陽多
仙蹤欲躡無尋處
青鶴臺前一放歌

神溪寺

側巖橫嶺控瀛蓬
又向神溪作北宗
骨相元無同面背
合稱二萬四千峯

九龍淵

天門中斷素蜺懸
鐵壁藍泓氣肅然
響外楓杉愁僵立
空中霜沫舞回旋
暗窺恐觸癡龍怒
驚斗翻飛老鶻眠
安得蹙時生羽翰
紫煙深處泝源泉

士執邀社友
龍庠營東樓夜話

聞君置酒夜相過
頭白踈狂奈我何
世事浮雲看不
一詩愁落葉較無多
莊生未必齊羣物
梁甫還應近
怨歌窮達共沾
昭代化考槃休道在中阿

許氏園亭夜集社友

秋後西園第一期
忽思坡老雪堂時
中天月小人隨
影滿地霜繁菊壓枝
世事控搏那得定
風光流轉不
曾逢相逢輒醉良
圖是明日陰晴也未知

人日書懷

辛巳

鳴禽古柳可憐春
懷緒今朝一倍新
空有樽餘藍尾
酒更無詩寄草堂
人風流寥落非前日
耆舊凋殘獨

此身年少過逢求馬地難將衰朽強為親

其二

眼看六十五年春春去春來便不新只喜晴明逢甲子
剛暑荏苒化陳人金花柏酒誰邊事土銕綿裘獨
卧身若道陽和蘇萬物九原能得作交親

步庚書齋小集

書來起我病低垂先道山暄柳弄枝麗景三春能幾
日清遊百遍自今時不嫌鳥聒要啼近預惜花飛欲
綻遲晶飯偶然欣一飽難教善謔似坡詩

又於步庚宅次柳州韻

南山南望思悠然思入閒雲倦鳥邊寂寂床書如昨日
依依門柳又新年尋常行樂檐前地準擬看花郭
外天補得清羸惟菜粥日斜方始出厨烟

其二

步屨隨吟緩高齋入望遙
洞春餘薄冷山曉曠微霄
偷眼梅依石拘衣柳掩橋
近因花事促不待主人邀
步庚宅共賦

閒門應與俗相猜只為山光小
牖開原草先從燒處
綠庭禽常識飯時來
貧容客笑餐三韭老
作妻看置
一梅勸爾移居西
崦宅碧松對畔有
平臺

金士貞 義鉉 挽

一病侵尋月四弦今朝失却竹林賢琴亡山水彈何
得鶴別烟雲盡不傳聊樂玄真乘大化那堪渡落送
餘年張家桃李吳園雪欲說前遊涕淚先

三日過數里庄

洛城三日未成春風色蕭蕭而不頻澗屋來尋垂白
老街兒錯道踏青人何曾燕子依辰至無賴薜蘿換
日新宿昔蓮岑同灑淚恐教山笛過西鄰

昨會士貞
葬故及之

挽徐明重 慶昌

弱冠情好老彌深一慟存亡遽在今入戶疑聞開口

笑憑棺忽似枕肱吟早知作吏仍霜鬢應得居閒養
素心車制諸方遺草在他時廊廟會搜尋明重嘗著
種諸之方
農車之制欲試用於
世而不果心常恨之

金子淑挽

人問棠翁好雖吾亦未知但覺談言內心無鄙吝時

其二

真遊欣獨往夙駕恐人知縱被仙班促那無別我時

其三

本為世所棄偶與君相知早識此離苦不如行路時

王步庚景福宮衛將直廬小集

壬午

此地逢迎不相期故人零落異前時
中裳病後如新面楊柳春中未好枝
苑有芻蕘來往慣池多魚鼈歲年遲
君無見熟庭瓜去須到蓮開更一卮

其二

平臺曲沼靄雲前省識飛龍舊御天
舜帝謳歌猶故老文王鳥獸又新年
冷官還有人攜酒春物先占柳帶烟
渾似衢尊同醉日慶樓東畔一陶然

後集

白閣雲過紫閣晴散成霞綺滿層城
花心向日斯須見柳色搖春次第生
內史杯觴咸少長廣文詞賦足

名聲上林應得黃鸝早柑酒酬君此日情

時鄭康伯來

步庚直廬次鄭湖陰龍板上韻

宜春春賞步隨便晚日沈吟太液邊池接銀潢盈不
溢門開紫極正無偏明時遭遇邱從直當日經營鄭
道傳未妨借民耒種藝長看瓜畝滿宮田

再到步庚宮直共賦

病後詩篇漫興為春耒題詠稍新奇嬌禽口舌如相
憑弱柳腰身不自持已得牢籠膏裡有欲將模寫畫
中移人生頭白還稀見誰對殘花苦代悲

其二

病怯朝寒氣未強尋君日日夕暉當峇峽蓮岳那由
上咫尺龍池不可方細草老慙袍色綠垂楊醉愛麴
塵黃散官應許踈慵得白首何妨監建章

其三

春風宮柳拂金明牽動閑愁日日生獨憐平仲承閒
坐渾忘催歸喚盡情松桂舊叢迷太乙烟霞晴望近
三清晚來詩思隨狂蝶散上花枝次第成

送李君協歸永春卜居

人事紛紛花謝枝重逢莫道有前期梁家隱跡攜妻
日潘令閑居御母時秋雨西窓孤對燭暮雲春樹各

題詩同舟北壁老無奈縱有夢遊知未知

松坡

與李道以王步庚遊南漢

萬柳中開水岸斜春衣問酒入漁家主人坐客土牀
濕雨滴簷前山杏花

南漢南門途中

山腰一路接雲平對杪飛樓入眼橫元帥臺前春草
含簞子峯外夕陽明國羞未洗三田水天險空餘
百濟城向晚客愁多撩亂殘年遊覽少詩情

西將臺

遊人於此故遲回愁思無如城上臺錦繡可忘嘗膽

苦文章空說勒碑才蟲沙草黑春潮入雉堞雲黃殺
氣來安得葡萄元帥酒三忠祠下奠深盃

其二

重關百二壯畿東城出浮雲玉壘同山為鬼愁多暮
雨地緣兵氣少春風繫纓誰得終軍請圖帶猶聞墨
翟功江水朝宗何所向西流極目恨難窮

步庚直廬飲集

芳時不合卧茅堂日日留連送夕陽上苑已知榕葉
暗中睡添得菜花香閒官似室書連屋春飲如村酒
過牆供客朝來盤藪美芝菌應產舊宣房

其二

天遣番風強半寒
春於閨月未全闌
可憐社燕依辰至
無數宮花得地寬
一死耽詩王衛將
獨醒愛酒李
消官從知清切非
凡畧能得繁華耐久看

與社友上西城遊望晚至金氏五松園作

林院沈深紅素飛
春山晚色翠霏微
擬從花封持紅燭
不向人家借雨衣
白髮緣愁如許短
垂楊記昔未成園
如今金谷無詩罰
杯酒從容到夕暉

鄭康伯持酒步庚直廬共賦

春攪閑愁欲黯然
徐移蠟屐傷池邊
詩如有助堪終

日飲到無巡各忘年院裏人歸紅雨夕城頭封繞綠
陰天更期攜手知何處流水柴門五柳烟

其二

閏三月半綠陰繁山杏花飛幾點存垂老惜春如送
客終朝吟病始開門身空瓢落憐詩瘦袖汙龍鍾愛
酒痕擬把芳枝明日飲莫教風雨五更喧

郭北賞春至姜氏園

李道以鄭康伯金亮元張
伯言金宗浩洪德祖金起

卿同遊

春遊強病試生衣行坐高林度翠微萬封桃花如有
待一經風雨盡應飛路知山郭曾過寺酒憶溪橋舊

款扉流水蒼苔人處處幽源莫道往來稀

過千君善墓

興王步庚朴汝貞
遊水落山道過此

龍聞人立識荒碑漠漠春蕪路更疑窮鬼終身麾不
去九原猶作差教飢

內院庵得人字

山僻七星間花開四月春六時一啼鳥有路無來人
視地難遺唾巡檐恐起塵窓間僧獨坐疑是影金身

和步庚

百年馨德與為隣一日相思似隔旬杜預春秋仍猶
癖曹交衣食只長身海鷗可狎難充玩野鹿雖飢不

受馴避俗無如兼吏隱山多捷徑水通津

步庚書齋共次益齋韻

茅檐數掩僅過眉欲納山光故短籬無賴上賓煩看
竹豈要明府醉臨池求遠市炊恒晚書借隣家送
每遲知余近來腴道味顏容勝似去年時

玉磬山房共賦

午眠和醉入無何不省王翁有使過笠子遠來朱日
卓蒲團高坐碧山多踈情一任奴呼字佳句誰誇妓
載歌骨相如從唐舉問君應枕石戒披簑

步庚直廬

幽意不常得每從君處在城風泛萬柳炎歎忽已改
荷氣漸近聞佳禽如遠待重到未一旬瓜蔓或相倍
宮詩亦近史雲物俱可載靜翫若華筵不為人人採
繞廬樹扶疎且堪讀山海

步庚直中次唐詩韻

文酒相逢便勝遊宮林重過更清幽卧消畏日應添
病來見情人即破愁紅藕池塘千柄雨早蟬楊柳一
聲秋乘興何由成夜宿月明流水古橋頭

其二

病暑兼旬氣未平那能容易喚詩生空憐水葉田田

大無賴風蟬對對鳴池上鶯飛玉內史窓中宙列謝
宣城青眸韋不隨頭白猶解逢君帶笑迎

向北漢

懸棧縈紆較劍門并高雲角絕禽喧霜濃薜荔無全
葉石根松杉盡倒根風籟天吹衣上冷烟濤江入掌
中翻任渠僧飯鍾前後行得層樓倚夕昏

文殊寺

歸時不似向來時一顧含情一步移解惜分張流水
住不堪持贈白雲遲蒼苔山暎樓前酒黃葉文殊寺
裡詩會得明年老猶健杜鵑花發與君期

自文殊後岡至僧迦寺

尋思開士置菴初端為懸崖過客踈大小茅山雲一
槩東西石室鶴同居徘徊孤嶂碑無字拂拭幽龕佛
有書獨愛階前寒檜在閱來僧臘幾枝餘

彰義門樓和洪致敬洪致誠趙允文三碩士寄
示韻

自謂鄉中善未逢天下奇偶成拍肩笑仍和倚樓詩
落日雲山別西風鬢髮吹翼塵城郭內車笠可能知

夜宿江亭

主午十月與李道以池文哉鄭衍
夫金亮元王步庚金起御同遊

杭州眉目有西湖風景能饒此地無西垞帆檣烟渺

莽千家庭杵月清孤閒情試讀黃樓記遠意兼開碧
海圖紫鰕桃花春更好煩君書札一相呼

王衛將直廬夜飲

詩家月令恣佳時獨愛立春春未遲濕雪融城雲不
動條風入夜雨相隨何煩金勝花開臉將看銀塘柳
展眉陶寫幽情吟詠了非閑兒輩預先知

其二

來時佳杖禁西橋對裡高齋望不遙萬戶立春寒未
覺上林餘雪暖初消可憐窮臘官仍冷底事新詩老
更嬌舊是鸛班鳴玉地莫嘆幽獨帶元朝

步庚帶直
送歲故末

云句

過劉士受飲

癸未

昨日完齋飲晨興興尚飛何孤白墮約又醉黃昏歸
書帙無塵雜衣裳落翠微愛君棲息靜衰謝欲相依
士執書齋邀近局賦

棣谷斜通錦澗隈平時過訪信筇來階因覓草春先
掃戶為聞罽畫半開白首金蘭憐下榻青衿花柳憶
登臺番風桃李應催發秉燭飛觴空幾回

步庚仍職在直偶過和韻

再官君亦老春色去來閒柳待鸚黃至人添鬢白還

養病詩是藥耽睡夢應山誰道懷微祿天公遣做閒

宗浩林園

諠詠芳園感昔賢吾儕猶得敞華筵竹溪上客詩仙
至松雪全家草聖傳故里門扉如夢裡近山花木向
人前試教老眼偷春物不耐迷離萬柳烟

其二

對裏深藏一兩家苔牆短短竹扉斜吟緣春日多於
鳥情在西園愛及花石醜松疎元契分蝶忙蜂鬧底
生涯莫嫌佳節人來往桃李成蹊不待誇

步庚直中共賦

光似風

休怪花殘一夜餘較看人老十年如細推物理終期
盡欲罄春懷不暇書信口歌行前有酒便身杖屨出
無車白頭縱浪還非妄解道飄紅過眼虛

其二

一色蕪菁百畝橫萬株楊柳拂金明誰料綠野堂中
趣忽向上陽宮裏生午日冒花皆靜影春風搖樹盡
柔聲知君官職折衝是醉看愁城不足平

內省舊僚以香幣封齋齋直西宮書邀劉士
受及余賞春

齋居晨夕直惟清時有詩篇寓意生樓迴紅雲常有

氣地嚴黃鳥欲無聲日斜柳蘖春陰重塵淨花靚曉
雨輕白首重來那厭故窓煤壁字尚含情

將遊冠嶽過青坡

李通以吳子祥金亮
元王步庚朴士執

憶曾出郭厭青坡平陸黃塵開眼過冠嶽清遊今自
此中筇春興復如何綠江入望莎堤新晴野流光麥
壟多更有新詩先就處孤舟客曳小風波

紫霞洞

家居縱得十年閒未若名區一見還細草香聞劉阮
洞孤雲影落敬亭山天應致我烟霞上人自勞生道
路間老去漸知林壑趣綺黃合是住商顏

三幕寺

萬仞峯回一寺藏
高樓西望海天長
洞舍虛籟渾仙梵
林樾斜暉盡佛光
靈鷲舊栖雲在嶺
化僧遺影石為堂
祇園春入花千樹
誰與譚禪辨異香

出寺

水流花謝寺門春
杜宇聲聲解送人
芳草底心隨客跡
白雲無事伴僧身
相看滿袖攜山翠
其奈連裾走陌塵
更有餘懷頌濕處
紫霞村路綠蘿新

步庚直廬餞春

餞春去歲玉溪扉
今日宮林且送歸
自是老夫悲逝

水雖非兒女欲沾衣梨花在對堪持贈風雨無情又
打飛若使年年無此別人生離恨也應稀

數里山房

古洞無多屋幽溪不一林茅茨帶流水墟落散清陰
自謂居貧慣吾知托意深來往惟數叟詩酒見同心
元一園亭

園林遲日氣清和綠杏漸肥黃鳥歌醉依蒼石非要
醒言似幽蘭不在多北海常窺深淺酒西江莫問有
無波只緣惠好頻來往不識傷人謂我何

宗浩園亭

對深無暑入臺迴引風長社客衣冠古山家酒食香
望雲頻負杖聽鳥緩呼觴莫漫催詩句東鄰尚夕陽

數里山房

已辨衰顏不再紅可憐頭白白還空親朋地下多於
世氣味人間冷似風海嶽夢殘雙屐底歲年天假六
經中見謝愚拙無因解怪尔何心逐臭同

其二

飛棟華題某某亭玉川破屋本無名經春風雨茅茨
白市地蓬麻戶牖青小井通厨當一力高松對案視
先生糾紛萬事慵擡眼獨向林泉覲得明

其三

玉潤之濱久掩扉白頭猶寄一官微
晝耽便腹邊韶卧夜問馱鞍李廣歸
野鶴天長期獨往林鶯風暖解雙飛
詩神憂雨慵成病日課清吟限落暉

步庚帶戎垣禪故四

之句及

士執携酒饌邀友步庚山房

近來頗覺出遊頻風物清和却勝春
中聖飲無如戒者後生詩有不羣人
西家竹影東家轉一封鶯啼萬對新
怪殺吟懷藤蔓似每逢松石輒援因

其二

王翁心事玉溪清示我詩篇每一驚
花鳥愁添頭雪重筍蔬氣作腹雷鳴
偶然看客有何物率爾坐苔非俗情
薜荔門牆枸杞井京華誰信住青城

其三

鳥雀飛飛對影重茅齋留客坐高春
舞幃蛺蝶狂非蹤花愛蕪菁淡不濃
老且折腰叅石丈閒無牽夢上槐龍
從君為問清真意笑指窓中若箇峯

元一宅小集

步虛無計學三茅鳴世那能似孟郊
愛汝邱園成小築經時林木長新梢
故捐爛果容鼃食閒覘幽花近

鳥巢酒榼并餅均得喪何須苦解客人朝

其二

林園忽夕陽山雨無時霽知有客先來棋聲門半閉

其三

翠木擁千章白崖圍數曲中有老詩仙骨清鬢毛綠

其四

渴思檐溜當清酒涼惡松颿封北牖只喜先生飯具饒
翠岑如甌岬如臼

其五

夙契期終老還悲老漸投羨彼東逝水到海猶不流

人生不再少去去止冥幽要取眼前快良晤歡朋疇
古人帶索樂矧茲盃酒遊

其六

玩好從來貴遠邦誰網花石苦浮江爭如乞種東鄰
竹喜看清陰一面窓白日黑甜甘菊枕蒼苔濁酒老
瓷缸詩家物色還應尔只欠庭辜鶴對雙

其七

樊樓仍舊尾森木替垂簾屋陋師先儉年衰律已嚴
談經餘寸舌隱几只長髯每見容狂簡無心遠小嫌

其八

不耽花解笑常願石能言靜觀遲移席幽居慣閉門
只堪留小榻誰待過高軒自顧文何有相逢許細論
元一園亭

雨洗炎氛畏日西烟涵蒼翠小園迷客摸桐葉覩為
扇童聚溪沙堰作堤梅新送迎黃子大竹過醒醉綠
梢齊一般節物催人老怕聽新蟬得意啼

偶吟

舌舐自當繫酒戶未可高所以阮劉輩日興事沈冥
耽詩頗類似於道得權經一吟體渙然萬慮秋籜零
再吟忘形影放神游津溟妙境非襲取吾曾囊夜螢

元一園亭

小齋稀土石虛寂絕人烟
風雨疑遮傘圖書似載船
雲輕無定宙樹老獨依天
喜汝誅茅志獨能致暮年

自遣

牙如破履眼重紗
豈保容顏帶舊華
奉倩悲來頭有雪
文通老去筆無花
心非石轉憂難動
日抵年長怨易斜
但自不歸歸即樂
塘雲川月主翁家

士執來過同至元一書齋共賦

七月月生明稍覺暑氣沈
高客故過我携至西園深
曉雨洗羣木餘雲散涼陰
流響有清蛩息柯無困禽

庭院足幽曠矧茲屬書林詩韻若清水見君蓮花心

其二

寂寞西林翳少微西林不到見應稀夢酣華胥如遺
蛻談破鴻荒恐洩機閒研道經嫌鳥聒老拋山屐羨
雲飛自憐小技同魚目欲向璵璠得與依

七夕遣懷

七夕今年至雙星定合歡銀河虛指點白髮實悲酸
若識重逢易何愁變別難鵲橋雖萬里不及九泉寬

咏芭蕉

代人作

秋夢緣渠失半宵風翻獵獵雨蕭蕭無端綠捲三分

葉依舊青纖一丈腰心似管城期盡吐質如蒲柳思
先凋自從純束隍中鹿幾箇蚩蚩枉見招

懷友人

代人作

憶時未上別時樓酒汙書痕更喚愁縱道月樑顏色
照那禁霜鬢歲華流尊無下馬同傾友地隔南鴻不
到州客路亦應離恨切驛亭黃葉暮蟬秋

滯雨金陵店舍

搖落金陵縣風煙近海門蒼山愁欲暮秋雨卧忘言
雲擁對相失浦回潮自喧分明前夜夢先到蔣家園

其二

口味淡薄

水國秋多雨江城暮更涼
蒼深鳴杵小樓迴隱笳長
味薄常餘飯眠遲未穩床
村醪將野菊冷淡不生香
鼎足山城次牧隱韻

山腰蕭寺占幽清老釋多年不出行
夜夜仙幢靈雨濕時時石室紫雲生
潮窮閤相船頭浦地老桓郎曷
足城此日登臨多古蹟西風短髮不堪情

鹽盆

煬時汗滴汲時寒一斛鹽成鼻醋酸
滄海成田如有日始為桑者得閒閒

重陽後二日出彰義門

逢秋卧屋便悲秋
故作年年出郭遊
霜露已催紅封
葉塵埃可駐白人頭
雲隨遠鴈先期去
風送長川盡
意流聲伎登臨還俗物未應安石愛清幽

獅項途中

心將蓮嶽欲爭高
步出雲門自忘勞
已向煙霞稱達
相安知草木識詩豪
渴窺泉竇疑丹井
流憩楓根訝
紫袍萬事如今皆閉眼
每逢名勝察秋毫

宿太古寺

林僧留遠客
溪月掩雙扉
山靜佛香聞
寺寒蟲語稀
誰聞元亮酒
欲贈太顛衣
楓葉還應早
遊節莫遽歸

宿圓通寺

圓通久別夢常圓
記得盤盤路上天
鍾梵重聞紅樹
夕杖鞋渾忘白頭
年月籠桂影成三
昧雲靜潭心息
萬緣欲問金經無
老宿蓮燈何有十
方傳

下山

去時流水住時雲
都遣歸人悵見聞
僧過溪頭須一
別路連京口未曾
分詩篇領略烟霞
畧暖唾叅同鶴
鹿羣恐被市童相
物色不妨行入郭
門曛

游月淵洞

拾我月
課聽

佳處非徒在遠深
近垌猶自悵幽心
路連玉洞參差

對人伴蘭溪往返禽舊主亭園今四易暮年詩酒此
重尋清池碧石應餘墨金老當時寄素襟

士元嘗棲
息於此

其二

三溪之曲武漢隅臨水短扉無處無逕掃綠苔通蠟
屐鑪燒紅葉煖漿壺空林不謂同人宿好月能知永
夜俱可恨蘇仙應酒困未傳十月雪堂圖

其三

謝汝窮居喜客過土爐荆炬酒香和夢隨流水團圓
少詩較寒山骨氣多人影屢回霜下菊禽棲不定月
中柯槎槎醉罷前溪舞未識兒童謂我何

其四

蒼溪十月霽寒朝
葉墮泉鳴慰寂寥
土銚煮芹開冷
胃松房燒枿燂酸腰
小山鷄犬無多屋
丁卯漁樵有一橋
想得庭皋宜賞雪
會當時節更逍遙

隨朴勉之拜晚翠先生墓

甲申

未得升堂早猶陪丈席
頻經書兒子在祭祀歲時新
陋巷人今老空山草復春
德馨安可挹還欲薦溪蘋

華陽寺

十里青郊豁四開
水多楊柳逗莓苔
山樓只合留詩
去野寺非因結社來
未怪支公偏愛馬
誰憐陶令獨

貧孟歸時會待春相送杜宇林間莫遽催

梵窟菴

古寺臨江江水遲僧心惟有白鷗知樓高長入虛明
夜地迴常多冷淡時繡佛何曾見蘇晉烟波吾欲學
天隨風餐雲卧盛年事不識老人宜不宜

早起

詩愁晨起更相關何似支頤老釋閒鴨綠譚仙樽外
水螺青玉宰函中山不舛孤島廣陵處無數春帆斗
尾間浩蕩輕鷗難得狎餘情寄與宿雲還

恭題安堅畫八駿圖

我太祖嘗御八駿
宗命護軍安堅圖其形集

賢殿學士李
季向製贊

九五龍飛紫極開
駟駟地用出時哉
星言未暇桑田
稅朝走曾從水滸來
宸思遠紆摹画繪
駿姿重覩
掃氛埃經營毛骨窮
殊相省識羈鞍獲
昭陪蹠血荒
山妖領殪追風威
集義旗回何須萬里求
宛國却憶
千金售郭臺
神武收功清左海
文章撰頌落三台
鬚披白拂飄成線
蹄踣朱提散作盃
數幅丹青心易
會寒空烟雪意
難裁休將王佐
公人物非虎非彪亦
俊才

黃獅玄豹六關開淵塞 王心儘一哉 聖作那無

神物覩瑞呈非是異邦來緬思草澤勞筋骨新貌丹
青絕埽埃 德重正宜坤北載時危不獨虎臣陪尾
箕元與房躔接鼻白應從冀野回定類隨駟稱八士
還同鄧馬畫南臺衝過良峙蹂蠻蠹馳上頭流憂斗
台促腕削成寒水玉方瞳夾出夜光杯近前催賜千
金重詔後須題五色裁歌頌兼將圖畫意集賢知有
揆天才

五百斤油

金冬心
墨名

一兩如將一縑分八十煤氣滿城聞高岡剝畫鳳皇

對半沼磨成鸚鵡雲頗怪金農真好事不知鉛槧足
為文若教染翰凌班馬片錠吾當準萬斤

內府籌司諸友邀知舊燕飲柳槐精舍

白戰千場已掃空更將鼓吹試秋風久聞才俊皆人
表一見談言盡意中山暑初殘疎雨過林光忽變細
雲通相逢非有遠方至臨去莫歎吾道東

與道以步庚士執遊佛巖山宿石泉菴

懸棧盤盤上梵宮高自落落杳秋空千峯粉糝雲和
雪萬木蕭森瀑吼風古殿寒開黃葉裡孤僧晝卧翠

微中霜濃冰滑石林曉欲向鶴庵通未通

其二

客來僧問誰與俱雲為先行鳥亦呼林絕樵蘇皆老
大地除臺殿即虛無猶堪寒竈稱香積只有荒園似
給孤勝畧尋常吟賞遍詩仙何必住方壺

贈別朴勉之之北營幕

惻惻送君去愁州近塞門有書何所寄繫鴈本空言
其二

含淚各分手門前一涯邊城還有菊莫見再開花
赴士執招賞梅

穩卧茅堂晝不開
鄰翁為報看新梅
此身未若南山豹
霧雨今朝一出來

寄朴勉之北營幕

殘年不合事弓韃
短髮應羞照幕蓮
送去家僮憂薄食
却揮官妓耐孤眠
自君之出心如失
曷月還歸眼欲穿
遙想春倍離恨愁
州城外草連天

人日與道以步庚會公黥宅君協自永春適來
乙酉

書灰伏枕各衰翁
苦憶詩樽一席同
此日情人逢事外
永春詞客得心中
天光黯淡雲初細
山翠模糊雪

半空老去無如數相見白頭容易落花風

李吉哉胤升挽

與子俱為五尺童壯窩門下最貧窮交頭裘馬元相
逐便腹經書本自充李路鼎筭前後異姜肱枕被煖
寒同有誰解說當時事未死如今一秃翁

贈別君協

分張莫道易前期我病侵尋君亦衰夢得再遊玄觀
日洞賓三入岳陽時幸得少留春共去若為輕別日
相思書來縱說千重意不及芝眉一見之

桃花帶雨濃

流水桃花澗道遙紛紛蝴蝶去如招不知曉雨含芳
對疑是紅雲鎖洞霄穿過還愁飛一點留看直欲到
明朝武陵未必長游衍行盡幽源半日消

次他人林間宿不歸韻

花應於我有神交不忍空山一夜拋留醉蒼苔半爨
酒起攀殘月五更梢非閱老蝶頻驚夢或恐春禽未
定巢衣露嗅香岩背曉縱無人見自堪朝

槐陰次他人韻

童童圓蓋出牆頭十卦蒼森擁小樓行蟻上柯新雨
濕走龍緣榦晚雲收魏公歸院涼如水韓老移床翠

欲流知是深沈非暝色一聲高處有蟬留

酬朴士執

詩道日趨下胥溺頂就滅沾沾各自喜繡口騁簧舌
不識三百篇茶飯無哽噎舉言出諸性性豈有虧缺
只為先入誤如濯還執熱孰能罪禍首投北當賜珎
之子頗好古有作堪擊節巴里雜亂聒傾耳惟白雪
吾非阿好者愛茲醇且潔無為眩衆味却顧失妙訣
近聞悅白傳言志去險絕願言樂簞食俟鯖非所啜





